



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 1. Desumpta ex cap. 1. Prophetæ Jonæ, in quo describitur
Inobedientia Jonæ in Ninivem missi, & ortâ in mari tempestate in illud
projecti.

[urn:nbn:de:hbz:466:1-61252](https://nbn-resolving.de/urn:nbn:de:hbz:466:1-61252)

FASCICULUS LXVI.

Doctrinarum Moralium & Asceticarum.

Doctrina I.

Desumpta ex cap. I. Prophetæ Jonæ, in quo describitur Inobedientia Jona in Ninivem missi, & orta in mari tempestate in illud projecti.

N.412. Considera: **C**hristianum hominem divinis inspirationibus non obsequentem imitari Jonam, de quo citatō cap. S. Scriptura v. 3. testatur: quod fugerit à facie Domini. Verūm talis horribiliorem adhuc tempestatem in caput suum provocabit, quam in se provocaverit Jonas, dum infernales procellæ contra illum insurgent, à quibus obruendus erit. Vocavi, & renuiſtis, extendi manum meam, & non fuit, qui respiceret, & increpationes meas neglexistis: Ego quoque in interitu vestro ridebo. Prov. I. v. 24. Lazarus non tantum utrāque aure surdus, sed & totō corpore mortuus erat, & tamen ad primam Christi vocem foras exire jussus prodiit etiam ligatus pedes & manus. Tot verò Christiani corpus vivacissimum, aures sanas, membra expedita circumferunt, tamen non ad unam dumtaxat Christi vocem, sed etiam ad millenas surdos se demonstrant. In quos invehitur Richardus à S. Victore de Arca Myst. lib. 4. c. 13. dicens: O viscera dura! usquequid fatigas dilectum tuum? & ei non vis aperire? vocat te, & non vis eum audire? pulsat semel & iterum, & tamen eum expectare jubes? &c. Testatur regius vates: ipsa etiam chrystalla ad verbum Dei liquefieri Psal. 147. homines autem vera fide imbuti, tam frequenti Spiritus Sancti calore inflammati, tot piis allorum exemplis admoniti, tot minis instigati, eò venire renuant, quod eos vocat Deus? vereor: illos non surdā aure aliquando excepturos vocem illam tremendi Judicis, quā cum rebellibus Angelis in mare tartareum erunt detrudendi. Christiane Lector, si & tu hucusque divinæ vocationi & supernis inspirationibus surdas objecisti aures, dole, & hodie: si denuo vocem ejus audieris, noli obdurare cor tuum: sed Magdalenam pœnitentem imiteris, quæ Lucæ 7. ut cognovit, quod Christus accubuisseſſet in Domo Pharisai, attulit alabastrum unguenti, & stans retrò fecus

secus pedes, lacrymis cœpit rigare pedes ejus &c. En! quomodo illam non retardet timor alicujus infamiæ, vel difficultas pœnitentiæ. Puta tibi à Christo dici illud Joannis 7. dictum ad Discipulos; ad hoc modicum tempus vobis sum. Aut inculcari tibi illud Jonæ: adhuc quadraginta dies & Ninive subvertetur. Christus sœpè transcendō tantum operatus legitur salutem hominum testibus Matthæo & Zachæo, ad pœnitentiam in transitu dispositis. Quare vocanti oc̄ius obtempera, ne te prætereat, cum vocat Electos ad gloriam.

Doctrina 2.

Desumpta ex cap. 2. Prophetæ Jonæ, in quo describitur: quomodo projectus in Mare Jonas à pisce devoratus, sed Deo spōndens sacrificium, iterum liberatus sit.

Considera: **A** nimabus fidelium, è corpore ad æternitatem abeun- N. 413.
 tibus; si deferant residuas quasdam peccatorum maculas, idem obtингere, quod obtigit Jonæ, in Tharsum naviganti: Is enim temporali pœnâ suam luiturus inobedientiam, in mare præcipitatus est, & ventri piscis tanquam obscurissimo carceri inclusus exclamavit v. 4. capit. cit. projecisti me in profundum in corde maris, & flumen circundedit me. Omnes gurgites tui, & fluctus tui super me transierunt, & ego dixi: abjectus sum à conspectu oculorum tuorum; veruntamen rursum videbo Templo Sanctum tuum &c. non dispares hærcle in voces animæ illæ sua resolvunt ora inter purgantium flamarum procellas tumultuæ, & horrido carceri ad temporale supplicium inclusæ, licet certæ sint de videndo quondam cum Jona Templo Domini. Sicut vero Jonas iratum sibi Numen promissò Sacrificiò ad Misericordiam comovit, v. 10. citati cap. adeò, ut illæsus exierit pisces, afferente S. Scripturâ: & dixit Dominus pisci, & evomuit Jonam in aridam, ita præsentissimum remedium detentæ in purgatorio animæ repositum habent in illo sacrificio, quod nos Catholici Missam appellamus. Sciebat hoc S. Monica: & hinc aliud suffragium sibi post mortem impendi noluit, quām hoc ipsum, ut refert S. Augustinus ejus filius dicens: tantummodo memoriam sui ad Altare fieri desideravit, cui nullius diei prætermissione servierat. Unde sciebat dispensari Victimam sacram, quā deletum est chyrographum, quod erat contra-
 trium
 . A a a 3